



Broj: 02-11-5101/21
Sarajevo, 17.11.2021 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova I, imenovana rješenjem broj: 10-45-137/21 od 21.07.2021. godine, u daljem tekstu: Komisija, u postupku javne nabavke hladnih napitaka za potrebe Općine Centar Sarajevo u 2022. godini, putem konkurentskog zahtjeva za dostavu ponuda, (Zapisnik o pregledu i ocjeni ponuda broj: 02-11-5101/21 od 11.11.2021. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **"REDEX" d.o.o. Banovići, ul. 10. septembar br.88, Banovići**, broj: 1 od 05.11.2021. godine, za nabavku hladnih napitaka za potrebe Općine Centar Sarajevo u 2022. godini, u ukupnom iznosu od **49,95 KM bez PDV-a** (zbir jediničnih cijena).
- II.** Ugovorni organ će sa izabranim ponuđačem zaključiti Okvirni sporazum na period od 12 (dvanaest) mjeseci, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Obavezuje se ponuđač iz stava I. dispozitiva, da u roku od 5 (pet) dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke 7. tenderske dokumentacije (uslovi za kvalifikaciju ponuđača), u originalu ili ovjerenoj kopiji.
- IV.** Ova Odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem iste ponuđačima, shodno članu 70. stav (6) Zakona.

O b r a z l o ž e n j e

Postupak za javnu nabavku hladnih napitaka za potrebe Općine Centar Sarajevo u 2022.godini, putem konkurentskog zahtjeva za dostavu ponuda, pokrenut je Posebnom Odlukom Opštinskog načelnika o pokretanju postupka broj: 02-11-5101/21 od 29.09.2021.godine. Postupak nabavke je objavljen na portalu javnih nabavki, broj obavještenja o nabavci: 848-7-1-159-3-115/21 od 06.10.2021. godine i ispravke obavještenja broj: 848-7-1-159-8-122/21 od 14.10.2021. godine i broj: 848-7-1-159-8-133/21 od 26.10.2021. godine.

Procijenjena vrijednost javne nabavke iznosi 8.300,00 KM (bez PDV-a) za cijeli period trajanja okvirnog sporazuma.

U određenom roku za predaju ponuda, 08.11.2021. godine do 12,00 sati, dostavljene su 2 (dvije) ponude sljedećih ponuđača: „REDEX“ d.o.o. Banovići i „GOLD MIGNON“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda kako slijedi:

r/b	Ponuđač	Ukupna cijena u KM bez PDV-a (zbir jediničnih cijena)	Popust %/KM	Ukupna cijena u KM sa PDV-om (zbir jediničnih cijena)
1.	„REDEX“ d.o.o. Banovići	57,20	/	66,92
2.	„GOLD MIGNON“ d.o.o. Sarajevo	60,91	/	71,23

Nakon izvršenog javnog otvaranja ponuda, na zatvorenom sastanku Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je kontaktovano da su ponude sačinjene potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom.

Komisija je izvršila računsku kontrolu dostavljenih ponuda i pri tome nije pronađena nijedna računska greška.

Predviđena e-aukcija u predmetnom postupku održana je dana 11.11.2021. godine sa početkom u 10,00 sati. E-aukcija je završena u 10,24 sati. U toku održane e-aukcije ponuđači su podnijeli ukupno 14 (četrnaest) ponuda. Prema rezultatima e-aukcije izvršeno je konačno rangiranje ponuda ponuđača koji su učestvovali u e-aukciji kako slijedi:

r/b	Ponuđač	Ukupna cijena u KM bez PDV-a (zbir jediničnih cijena)
1.	„REDEX“ d.o.o. Banovići	49,95
2.	„GOLD MIGNON“ d.o.o. Sarajevo	50,00

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Prvorangiranog ponuđača **„REDEX“ d.o.o. Banovići, ul. 10. septembar br.88, Banovići**, za dodjelu Okvirnog sporazuma na period od 12 (dvanaest) mjeseci, za nabavku hladnih napitaka za potrebe Općine Centar Sarajevo u 2022. godini, sa ukupnom cijenom ponude podnesene u postupku e-aukcije, u iznosu od **49,95 KM bez PDV-a** (zbir jediničnih cijena).

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od 3 (tri).

Prilog: Zapisnik o pregledu i ocjeni ponuda
broj: 02-11-5101/21 od 11.11.2021.godine

DOSTAVITI:

1. Ponuđačima:
 - „REDEX“ d.o.o. Banovići, ul. 10 septembar br.88, Banovići
 - „GOLD MIGNON“ d.o.o. Sarajevo, Olimpijska bb, Sarajevo
2. Službi za javne nabavke, zajedničke poslove i informatiku x2
3. Službi za finansije
4. Arhivi

